



## JUDICIAL SYSTEM MONITORING PROGRAMME PROGRAMA MONITORIZASAUN SISTEMA JUDISIAL

### Komunikadu Imprensa

**Periodu : Dezembru 2011**

**Publikasaun : Dezembru 2011**

### **Grupu Advogada Selebra Almoço Natal ho Autór Judisiariu Feto iha Hotel Timor**

Iha loron 10 Fulan Dezembru 2011, Grupu advogada ne'ebe parseiru The Asia Foundation (TAF) selebra *Crismash Luch* (Almoço Natal) no loron direitus humanus hamutuk ho Prokurador Jerál da Repúblika no juizas Tribunál Distritál Dili no Tribunál Rekursu iha Hotei Timor. Grupu advogada ne'e kompostu husi JSMP-VSS, LBH LIBERTA, LBH ECM Baucau, FFSO Oecussi, inklui formada advogada balun husi CFJ.

Grupu advogada ne'ebé marka prezensa iha serimonia ne'e mak VSS ema nain 4, Liberta 1, ECM Baucau 2, FFSO 2, TAF 4, formada husi CFJ 5, representante husi USAID 1, Juizas 2, no Prokurador jerál da Repúblika. Total feto hamutuk ema nain 22.

Tuir Diretór Ezekutivu JSMP Luis de Oliveira Sampaio haktuir katak *almoço natal ida ne'e importante ba feto jurista sira hodi fahe esperensia ba ba malu oinsa bele hetan opiniaun husi autór tribunál feto konaba prosedementu sistema justisa formal iha Timór Leste, liu-liu ba kazu violénsia bázeia ba jeneru; hanesan violénsia doméstika, violasaun seksuál no krime ho natureza jeneru sira seluk.*

Prokurador Jerál da Repúblika, Dra. Ana Pessoa hateten katak, *Timór Leste iha historia trauma nia laran. Asuntu violénsia doméstika la'os asuntu feminista ka asuntu privadu maibe asuntu ema hotu nian ka asuntu nasaun nian. Ita nia sistema justisa seidauk metin, maibe ita lalika hatudu liman ba malu se mak halo servisu diak no se mak la halo. Oras ne'e presiza ita hotu nia atensaun hamutuk atu fo protesauun ba vítima sira ne'ebe presiza ita nia tulun liu-liu vítima violénsia bázeia ba jeneru.*

Dra. Ana Pessoa hatutan liu tan katak, iha Ministeriu Públiku (MP) iha seksaun espesifiku ba labarik. Karik iha kazu ne'ebe mak labarik mak sai vítima diak liu lori direktamente ba iha MP seksaun labarik nian. Tinan oin mai MP nia delegasaun sei loke tan iha Distritu Viqueque, Ermera, no Maliana.

Iha parte seluk juiza husi Tribunál Rekursu, Dra. Natércia, apela ba grupu advogada katak, ita atu hari LBH ka instituisaun ida la'os hare deit ba iha ita nia diploma. Maibe kualidade husi servisu. Advogado/a ne'ebe prátika iha tribunál tenke liu husi formasaun no rejistu iha tribunál.

Juiza tribunál distritál Dili, Dra. Jacinta, hatutan tan Dra. Natércia nia hanoin katak: labele sente dezanima tanba deit grupu advogada ne'e seidauk tama iha CFJ. Maibe

kolega sira balun ne'ebe tama uluk ona iha CFJ bele halo uluk servisu prátika nu'udar advogada, hafoin kolega seluk bele ba fali iha CFJ. Atu nune'e planu ne'ebé iha kontinua nafatin.

Grupu advogada feto hein katak sujestaun ne'ebe mak feto maluk jurista sira fo ne'e hanesan referensia ida ba grupu ne'e atu la dezanima iha dalan klaran bázeia ba mehi ne'ebe mak grupu hakarak atu atinji mak Hari LBH FETO no Labarik.

Iha sesaun enseramentu Dra Ana Pessoa, sente kontente tanbá foin ba dala uluk hala'o sorumutu ho grupu advogada feto. Dra Pessoa, hatutan liu tan katak ba futuru bele hametin liu tan servisu ne'ebe diak hodi atende ba vítima violénsia bázéia ba jénéru liu-liu ba vítima violénsia doméstika, violasaun seksuál, *insest* no krime hasoru labarik. Iha parte seluk mós, nafatin enkoraza grupu advogada hodi bele tuir formasaun iha CFJ, hodi nune'e assistensia ne'ebe mak fo ba vítima sira bele ho kulidade diak no forte.

Serimonia Almoço Natal ida ne'e realiza tanbá hetan tulun husi USAID liu husi The Asia Foundation.

Atu hetan informasaun kle'an favor kontaktu:  
Luis de Oliveira Sampaio  
Direitór Ezekutivu JSMP  
Email; [luis@smp.minihub.org](mailto:luis@smp.minihub.org)  
Landline; 3323883/7295795